

631.33

265196

2826

1727498

K251,2274
C13



C0796119

辭子海
未取語

札記小說

小說進步社印行



孽海叢話三編目錄

黑洋老鼠

大小活猴

一絲不掛自投羅網

一絲不存冲破姻緣

小家婦背夫潛逃

富家翁誘妓洩忿

特別之奸案

特別之奸情

真是孽緣

自然好事

男妻四則

嬌娃豈真被祟

縊鬼乃可倡姦

愚人

智女

兩夫一妻

一女兩婿

夢中囈語

夢裏胡行

賭之害一

賭之害二

狂且可惡

麗人何來

蛋女之情何重

嫖客之命何輕

死一個至死十個

和尚十三則

尼姑十五則

和尚與尼姑八則

道士六則

交涉使與婦女之交涉

留東女學界之污點

大令父子之聚麀

老夫少妻之遺孽

莽學生

急色兒

貴公子

紳家婦

淫僧醜劇

妒婦笑談

遊舫揮拳

香車攝魄

小妒奸

冒敦倫

將計就計

殺妻求妻

薄命

孽海叢話二編

黑洋老鼠

儉楚著



梁伯鸞夫婦相敬如賓。後人輒疑其拘墟過甚。不知敬之一字。所以泯嫌疑。弭災禍。胥於是基之。觀於嘻噏之家。可以知其故也。距蕪湖四十里。地有黃池鎮。鎮有某甲。止一婦。貌僅中人。姿而詼諧。善笑。頗得藁砧歡。所居士堦。茅茨有陶。唐氏之風。而朽敗過之。春初六。出花層累堆。堞榱棟。不勝其重。以至於覆巢。是夕甲宿縣。得信奔歸。從事畚揭。攘之剔之。妻仍偃臥。被池中春風。面依然無恙也。大喜。纔救出。卽見一男子。磬折死床頭。則又大怒。問妻。妻不承認。然而辨之。無可辨也。適一捕役至。逼而視之。曰。此黑洋老鼠積賊也。其事乃白。原其致疑之始。由於平日房中私語。每謂其夫曰。須製一頂時樣新。

式。綠。頭。巾。與。汝。戴。不。謂。戲。詞。幾。成。讖。語。於。斯。時。也。殆。哉。岌。岌。乎。

大小活猴

江湖賣技者流。趁新年覓利市。逢熱鬧處。拓地作圍場。搬演各種戲法。杭垣吳山麓。來江左人陳姓。携垂髫女郎。二姿態無雙。演走索弄缸諸劇。尤臻絕技。觀者以其輕靈而復矯健也。以大小活猴小小活猴名之。其登場奏技時。輕薄子弟。故以錢擲女身。爭爲笑樂。一倡百和。青蚨紛紛如雨下。而演戲者。貪賞賚之多也。樂於人如此。一日大小活猴試演翻雲梯一劇。身仰臥於桌手反託其頭。纖趾翹如承。以梯梯上一童孩。正作蝴蝶穿花狀。有一游方僧。得少林衣鉢。取錢數十文。緊縛兩端。堅如寸鐵。觀大小活猴私處。擲去大小活猴。痛甚。急以手接梯下。痛而哭。哭而罵。旁觀憐之甚。咸不平。譟而起。欲毆僧。僧左提右挈。顛者仆者不一。而足衆知不敵。任僧潰圍大踏步去。而大小

活○猴○於○痛○極○聲○嘶○之○際○猶○能○以○手○接○梯○下○不○致○童○孩○之○墜○地○夫○亦○神○乎○技○矣○
特○不○知○蓮○葉○瓣○能○無○恙○否○也○

一絲不掛自投羅網

魚○網○之○設○鴻○則○離○之○同○爲○物○類○事○猶○近○情○乃○以○求○魚○之○器○而○忽○爲○取○人○之○具○
是○則○可○異○也○亦○可○笑○也○嚴○郡○某○鎮○有○某○甲○者○與○一○船○婦○私○雖○不○能○如○范○大○夫○
五○湖○一○舸○載○去○西○施○而○一○雙○水○上○野○鴛○鴦○時○時○得○以○交○頸○而○同○眠○者○洵○可○樂○
也○一○夕○正○在○續○歡○而○婦○夫○適○至○甲○則○一○絲○不○掛○急○從○後○艚○逸○出○甲○本○善○鳧○水○
者○以○泳○以○游○約○半○里○許○將○浮○於○水○面○適○有○夜○漁○者○舉○網○高○起○覺○甚○重○疑○爲○巨○
鱗○燭○之○人○也○甲○此○時○欲○再○跳○入○水○而○網○懸○空○中○帶○著○軟○性○不○能○作○勢○惟○哀○懇○
解○網○許○以○重○謝○漁○翁○知○來○路○不○正○笑○曰○諒○爾○身○無○寸○縷○烏○乎○謝○甲○向○手○指○捋○
一○小○金○戒○擲○於○岸○漁○翁○喜○援○手○出○之○而○整○理○其○網○一○轉○瞬○間○樹○上○所○掛○之○短○

衫與大手巾已不知去向。然以所得較所失。在漁翁則已占得利也。而甲則可謂獨有急智者歟。

一絲不存冲破姻緣

有小康家范姓者。居甬屬菱池頭。其子年逾弱冠。頭禿如鷲。鄰里羞與爲婚。以致飽領鰥魚。况味。後有冰上人掉生花不爛之舌。欲與沈姓女締姻。雖未中。雀屏已將成。鴛諾然。范姓子終以未識玉人之面爲憾。會女有同居之叔。卒值首虞。延僧禮懺。范遂欣然得計。曰妙哉。予之頂上光光。正與和尚相合也。遂大著膽服僧服。穿僧鞋。引鏡自照。居然僧矣。於是厠身僧衆中。至沈姓家。藉窺女貌。見女果婀娜娉婷。不覺暗生歡喜。有某甲者。沈之戚。范之友也。是日。言臨。驚見范作方外裝束。大呼曰。范某曷爲抹郤。本來面目。乎。范聞之。如晴空霹靂。神魂俱飛。遂簪極竄去。事爲沈所聞。惡其輕薄。竟與絕婚。君子

日咎由自取。夫復何尤。

小家婦背夫潛逃

貞女節婦茹苦含辛數十年。采風者彙案以奏於朝。朝廷給帑建坊表以風勵薄俗。用意抑何深遠哉。然而蕩婦尋春。廉恥道喪。搢紳仕宦之族。猶所不免。何論小家通都大邑之地。猶所不免。何論窮鄉川沙鄉人某甲。娶婦某氏。小家女也。甲固農家者。流課雨。問晴。霑體塗足。誠不解風情。爲何物。婦則娟娟自好。雅尙清潔。時以駿馬癡漢。巧妻拙夫爲憾。於是背夫出門。潛蹤滬上。與某店夥苟合。賃屋於城內之某巷。雙宿雙飛。愛情倍至。不知者真以爲夫婦也。一日經其夫來城尋覓。拉其手而強之歸。婦舉手批其頰。曰。吾與爾素昧生平。何無理若此。吾羅綺而爾藍縷。爾不自慚形穢耶。鄰人聞婦所言。其中多有疑竇。方知鄉人之真爲婦夫也。相與嗤之以鼻。適鄉人有同類至。將

伯助予相與擁婦而去。

富家翁誘妓洩忿

邗江某翁家擁巨資。平日愛錢如命。不肯輕拔一毛。而其子偏喜作狹斜游。揮金如土。無稍吝惜。一日乘父外出。竊取銀元百數十枚。至某妓家。偎紅倚翠。曲盡綢繆。大有此間樂不思蜀之意。比翁查知情形。偵騎四出。始得將子尋歸。而阿堵物則已作纏頭資矣。翁憤無可洩。心生一計。潛假子名。僞爲召妓侑酒也者。妓不知是計。濃妝豔裹。乘輿而至。甫及門。其子潛遣人止之。妓甫欲回身。而翁與其妻及女媳等已攔截歸路。將妓拉入。閉諸空室中。奪去衣飾。至赤條條一絲不掛。持棒痛毆。如捕快之打盜賊。然妓嬌啼呼救。聲達戶外。乃由鄰人毀鍵入。向翁婉勸再三。僅給衣袴。縱之去。擢花折柳。翁真忍人。所謂人莫知其子之惡也。而又爲富不仁矣。

特別之奸案

捉奸之案。出自下等人家爲多。閥閱門第。不聞有此事也。非閥閱之家之人。無不貞也。內外之界。嚴斯名分之分。定所謂有別也。世風日下。奸案不一。而足。姘頭搭脚。所在皆是。但所捉者。果爲本夫。猶可言也。乃有身本姘夫。爲日稍久。居然以本夫自居。一聞其婦。又有所歡。卽邀人捆縛。以鳴於官。如蘇州某甲。訴稱妻室某氏。與某乙犯奸。而婦偏以乙爲本夫。問官正在自白莫辨之時。忽有某丙。上堂訴訟。此婦確係髮妻。逃匿數年。搜尋無著。今知逮案。願求給領官。問婦語塞。乃恍然於乙。果姘夫。而甲特其先姘者也。於是懲甲。乙有差。而以婦交丙領回。管束也。婦德無極。至於如此。傳稱人盡夫也。一言早爲近。今婦人曲曲道盡肺腑。

特別之奸情

各人自掃門前雪。莫管他家瓦上霜。頗似自了漢。聲口然非深於閱歷者。不能道守此勿失。眞覺受用不窮。觀於甯波近今一事。而益信此言爲不謬。北門外甲某。與西門外乙某爲親串。甲貿易在外。家止一妻。乙有妾。以親串故。往省之。相見後。異常親愛。話長漏短。時已黃昏。甲妻僞爲留宿。乙妾慨然許諾。無何來一丙。甲妻知事不可諱。竟以外好直告之。乙妾忸怩作欲歸勢。甲妻知歸必漏言。乃堅邀之留宿。之意始眞。且縱丙亂之以杜其口。時已深昏矣。丙方左抱右擁。樂不可支。而忽有撬門而入者。視之皆婦女。羣呼捉奸。縛三人如縛豕。蓋鄰婦素惡甲妻之不潔。而初不虞乙妾之亦在其中也。輾擾至天明。乙已有所聞。不知底蘊。反噬羣婦。借端劫財。不肯干休。重賂乃已。然則好管閒。是閒非者。可以悟已。

古人詩云。一樹梨花壓海棠。此以比老夫之得少婦也。然或爲續絃。或爲笙室。雖曰豔福。猶屬常情。從未有龐眉皓首之人。獨得竊玉偷香之樂。而能使小妮子癡心相向。留戀難忘者。乃杭城張某。年屆古稀。精神矍鑠。蘭孫桂子。繞膝堪娛。顧有登徒子之好老而愈甚。比鄰有沈姓女。年甫二八。姿態嫣然。綺思柔情。耿耿欲語。張雲挑雨。逗遂成嚙臂盟。而其母未之知也。女自與張私。私情不自持。月下花前。不免春光漏洩。母大怒。遂乘陽臺赴會。時將被底鴛鴦。雙雙擒獲。詎所謂姦夫者。非他人。卽張某也。錯愕久之。女自言。願賜一死。以魂從張。此身誓不二適。家人無如之何。乃縱張逸去。其殆有夙世緣歟。不然。必張有老當益壯之本領。故能得女之歡心也。歟。要不可以思議而得也。

自然好事

滬上某甲。在城內開設絞花行。家內堆疊花包。纍纍如山。積有筭女。明眸皓齒。丰致嫣然。與鄰人某氏子。幼小相憐。情投意合。稍長。誓爲夫婦。而桃源早爲漁郎問津矣。一日。女招某至花包房。效楚王雲雨。巫山之會。不隄防。甲忽回家。發花見一對小鴛鴦。正在雙棲。雙宿。樂效于飛。不禁勃然大怒。執而笞之。女泣曰。父親兒實不肖。願甘重責。毋累他人。某亦大呼曰。伯父小姪作此不端。貽累令媛。望將小姪處死。勿致弱質。啣冤。時甲弟在旁。邀兄潛商之曰。殺之不忍。縱之不妥。某家亦世族。不如因而成之。以掩此羞。甲從其言。乃令某書立盟誓。倩冰上人求親焉。君子曰。始而亂者。終以禮成。彌缺憾之端。掃牆茨之恥。甲弟之言亦善矣哉。

男妻一

滬上楊樹浦軋花局某女工。年華二九。雖亂頭粗服。而丰致別饒。自幼許字

某乙嗣以索聘過奢。以致結褵無日。乙求凰念切。商諸冰上人。約同鄰里。擇於某日。作搶親之舉。事爲女兄某甲所聞。奇想天開。忽得一計。因自掃眉掠鬢。傅粉簪花。扮爲其妹。模樣靜坐待之。至二鼓時。忽聞剝啄聲。啟戶視之。乙等一擁而入。不分真贗。抱諸彩輿中。爆竹一聲如飛而去。既至。由喜娘扶出。與新郎雙雙行交拜禮。甲任其所爲。默不一語。迨花燭團圓之候。突有娘子軍洶洶而至。謂深夜劫我丈夫。欲爲汝家何人。覓漢耶。時新人聞之。亦拋頭露面。大踏步而出。見物卽毀。逢人便毆。頃刻間。竟成外攻內應之勢。乙始知中計。大爲懊喪。復經親族排解。向甲謝罪。令其妹于歸。俾成眷屬。異日情深。伉儷得母。以桃僵李代。恨阿兄之多事乎。

男妻二

邗上某甲。年逾而立。尙未完姻。半生勤儉。積有資財。遂思譜求鳳之曲。鄰有

某乙願作冰上人。代爲物色。因告以某姓女年已及笄。尙未字人。雖無傾國傾城之色。而一笑嫣然。丰韻亦殊不俗。甲親往探訪。果愜素懷。某姓亦願諧秦晉。索取聘金若干。甲一一如命。擇定吉期。行親迎禮。迺以彩輿導以鼓樂。入門後。紅氍交拜。相對盈盈。其時賓客喧闐。有送房者。有撤帳者。笑語歡呼。新郎願而樂甚。方謂洞房春暖。圓成好夢。如探囊取物。且及夜闌。客散春興方濃。新娘忽兩目圓睜。大喝曰。汝何爲者。一手擲落頂上花冠。將髮辮解開。現出偉男子本來面目。遽批新郎之頰。大踏步而出。甲大驚失色。急呼鄰舍同追。不及而返。及尋原媒根問。則已不知所往矣。

男妻三

某甲蘇鄉人也。莊子鼓盆不堪。獨宿。憑媒聘某乙女爲繼室。婚有日矣。六禮既備。百兩斯迎。彩輿在門。爛其載詠。及得新婦歸。雙雙交拜。合卺之後。送入

洞房于飛之樂。此樂何極。不意一經僂傍。多有訝其不類女身者。摸索之下。探手入袴。則紅霞仙杵。觸指翹然。甲固老斲輪手。益不聲張。久渴之下。且唱後庭花一曲。直搗黃龍府。致僞爲新婦者。痛哭流涕。而後已。次日照例回門。女父母以爲昨夜必未嘗問鼎也。欸待久之。仍將新夫婦送歸。迨及同衾。居然處子。甲不禁喜出望外。再四叩問新婦始知。乙女固別有懷抱者。是夜誓死不肯上妝。女父母無如何。權以弟爲代。次日則以鄰婢易之。甲感婢甚。不予根究。伉儷之情甚相得焉。特不知其後乙女之究竟如何。而乙子則吃虧太甚也。

男妻四

鄂人某甲。年少美丰姿。家計清貧。不務正業。有某乙者。與之善。笑而謂曰。以子天生美質。而淪落若此。若易弁而釵。與我偕。至他處託言兄妹。求人物色。

當必有登徒子來賞鑒者。屆時乘機鬼脫。彼此分財。豈不較爲得計。甲大喜。依計而行。數年來受其愚者甚衆。一日又至某鄉。有某丙見其美。出重價爲其子丁納之。至夜分。丁欲圖歡會。甲始以體姘爲辭。繼而極力撐拒。丁摸索良久。觸手崩騰。乃大呼人妖羣起。而欲送諸官。有止之者。謂若治以桑狎之律。未免小題大做。盍若牽游四鄉。拚拋卻區區聘金。阿堵物。俾其出醜。而後釋之。丙如其言。事遂已。吁。騙術之奇。竟使人如神龍之不能捉摸。可慨也已。

嬌娃豈眞被祟

越人章某。惜其妻厲於蘇州。設酒肆焉。有一女。年及笄。風致天然。貌甚姝麗。賦性聰慧。尤善女紅。父母鍾愛之。一日清晨。章夫婦推枕起。時已日上三竿。猶不見女起身。以爲海棠春睡。偶然猶未醒也。迨其母入房察之。則惟見錦衾角枕。而女已頓失所在。方疑效卓文君私奔故事矣。繼思門戶皆閉。似非

外遁。於是夫婦徧室搜尋。始得女於厨下。其身則匿於竈突間。章夫婦見而大呼。女若不聞也者。細視之。甜睡依然。罔知人事。章夫婦知爲鬼祟。急延巫覘。讓之女。始遽然醒。鄰里聞之。成謂此宅向有鬼物潛形。入此室處。往往爲其所崇。未有能久居是屋者。章聞之。遂作遷地之計。退避他處。或曰。章固開設酒肆者也。安知其女不偶。與麴秀才爲緣。而曰吾醉欲眠乎。必謂鬼祟。豈不迷信。

縊鬼乃可逼姦

瘍醫殷姓。自病家歸。主人以路遠。遣楊姓僕送之。楊素暴戾。綽號橫虎。沿途尋衅。無一日不與人競也。日暮投宿旅店。皆滿。改投一寺。僧曰。佛殿後有屋三楹。有物爲祟。不敢欺。楊曰。何物敢崇。楊橫虎正欲尋之耳。促僧掃榻。共殷醫寢。醫心怯。近壁眠。橫虎臥於外。明燭以待。人定後。果有聲鳴。鳴自外入。

乃一麗人漸近楊楊突起擁抱之卽與接唇狎戲婦忽現縊鬼形惡狀可怖醫戰慄齒相擊楊徐笑曰汝貌雖可憎下體當不異人且一行樂耳左手攬其背右手遽褪其袴將按置榻上鬼大號逃去夫人至縊鬼可以逼姦則其爲橫虎也其名誠非虛得友人爲余言如此蓋此事曾見灤陽銷夏錄

愚人

有某甲者見一少女頗有姿首顧而愛之思慕不已欲求一通歛曲卒百計不可得其友某乙知其意或給之曰吾有妙計餉吾酒食當以計授則意中人不患不唾手得也甲喜諾之盛筵以歛乙偶於階前擇一黃落之樹葉謹以付甲曰此蟬翳之葉也蟬鳴樹上人徧聞其聲從未見其身皆此葉蔽翳之功耳人持此以自障則人不之見甲卽障其面問人曰見我否給之者曰不見遂信而藏之他日復自障私問妻孥妻孥知其故則亦應之曰不見乃

益寶之一日訪悉少女之家喜不自勝持葉自障直登其堂欲入女闔閤人扭而掌其頰則曰子安得見我噫其愚若此可與掩耳盜鈴者把臂入林矣

智女

蘇鄉某寡婦生有一女愛若掌珍幼曾就傅讀書與鄰子某年相若同塾而居暇則弄梅騎竹兩小無猜氏固不之異也迨年華漸長知識已開鄰子以女係總角交未免有情來相挑引而女夙嫻閨訓貞靜自持因此鄰子不得逞一日聞女母外出須越宿而返遂掩入女室思效池上鴛鴦女碍於顏面揮手使去鄰子誤會其意以爲夜來事當可諧翩然而去至夜竟從曬樓上潛入女室作暗度陳倉之計突聞女在樓上與其母喁喁絮語乃恨好事多磨悄然而返蓋女於鄰子初去時慮其復至預邀鄰媪作伴故爲母女相語使之聞之也及母歸告其事謀遷居以避之如此女者既已保己之貞復不

壞人之名可謂巾幗之智囊矣。

兩夫一妻

杭城某雜貨店有一女郎雪膚花貌。豔若神仙。見者無不魂輸色授。有某公子者。夙有登徒癖。見女而悅之。嚙臂盟深。往來甚密。嗣以奔走不便。思欲納爲小星。據情告父。父不之許。公子躊躇無計。商請其僕張某。令彼居納室之名而已。爲入幕之客。別營金屋。妥貼安排。迨張僕與新婦合。昏既畢。公子時或問鼎。則僕居外室。避之未幾。張僕以女係已所親迎。忽含醋意。不容公子入室。公子念鵲巢豈容鳩占。隱忍而退。藉他事。懇諸父。將僕辭去。張大恐。且女亦不甘以彩鳳隨鴉。不得已。倩友緩頰。願將溫柔鄉讓諸公子。不敢再效鷓鴣之爭。始得免於賦閒。說者謂此僕不費分文。擁有豔質。致使簪纓子弟。暗戴一頂綠頭巾。固已便宜占盡。乃竟思強賓奪主。亦太不自量矣。然如公

子者。何其局量之宏耶。

一女兩婿

男大須婚。女大須嫁。人之常情也。未嘗有一女兩字。兩婿同日親迎者。乃金陵某姓家。生有一女。先曾許字某甲。嗣以甲家中落。頓萌悔意。復議婚於某乙。由冰上人說合。擇吉迎娶。以爲俟女既嫁。雖前婿追問不難託。孔方兄爲和事老也。豈知事機不密。爲甲所聞。有借箸者爲之計。令於是日先備輿馬。登泰山之門。而求親焉。時某結綵張燈。衣冠楚楚。忽報新婿到門。肅恭迎入。正在行禮。又報曰。新婿到矣。某駭甚。進退維谷。迨兩婿相見。不交一言。先後媒人皆向丈人峯評理。立鳴之官。奉差提究。飭暫緩于歸。俟訊斷後始准完娶。想先入爲主。後婿不免有向隅之憾也。世之不善相攸。棄禮蔑義。以貧富易其心者。曷不各安天命哉。

夢中囈語

世多喜讀稗官野史之人。甚至有因此而深入魔道者。天津人李某。生平好閱三國演義。日夜孜孜。手不釋卷。一夕與妻共寢。忽發夢。囈口中喃喃不絕。既而大聲曰。不意太師作此禽獸之事。一伸足間。已將妻踢翻下牀。妻曰。此是何爲。李應曰。聞王司徒有七寶刀一口。願賜於操。入相府殺董卓。雖死無恨。妻曰。幾幾乎將人踢殺。說什麼。卓什麼。操李復應曰。卓今頗信操。操因得近卓。妻知其心迷於三國志也。付之一歎。另自連椅作榻而臥。須臾。李復曰。有吾兒。奉先可高枕無憂。旋又高聲大叫曰。好爾三姓家奴。那廂逃走。只聞砉然一聲。已自墜於牀下。有頃始醒。妻笑問曰。三國說完未。李已茫然不復記憶矣。

夢裏胡行

人有睡夢之中。忽焉起而行走。行走之後。依然歸寢。及其醒也。並不自知。此其理由。殊不可解。越中有幼婦某氏。貌頗嬌嬈。性亦機警。惟一入睡。鄉則心神迷憒。往往起而行走。絕不自知其所以然。一夕婦方就寢。夢入華胥。忽起立惘惘。出門。身穿寢衣。足繫鎖練。躑躅街衢。不言不語。如醉如痴。見者疑其身中邪魔。咸目逆而送之。竊竊私語。嗣有相識者。知其故態。復萌突作。當頭棒喝。婦始遽然而醒。遂携之歸家。則見其夫某甲。猶酣睡床中。其足亦繫以練。蓋甲知婦有此惡習。故於臨睡時。取小練將足互繫。俾婦一起行。牽動已足。當可驚醒。如此則可止其外出矣。不料此次婦竟將練解開。潛步出戶。而甲尙夢中。故昏然罔覺也。幸卽有相識者。喝其醒而携之歸。不然。其不爲強暴所賺者。幾希。

賭之害一

某甲者農家者流也。性喜牧豬奴戲。呼盧喝雉。習以爲常。有某乙者。與之交最善。每博輒與焉。甲屢戰屢北。積負乙至百餘金。力不能償。乙索之甚急。甲無以應。乃議以牀頭人相抵。惟須再找若干金。甲允之。然甲不敢直商之妻。詭言有某紳覓傭。給令往就。而甲導之。迨抵乙家。妻知中計。無可如何。只得隱忍。妻往乙家。日用優於乙。乙又寵愛之。絕不以故夫念。而甲則以嗜賭故。錦衾角枕。獨旦何堪。於是閨中人竟爲人有矣。然甲反洋洋得意。以爲吾固將曳尾於泥塗也。吁。無恥若此。尙復何言。花骨頭之爲害。誠烈矣哉。至於乙則固與甲爲友者也。宜如何善相勸。而適相規。反因之而賺其妻。宜不足以人類齒。

賭之害二

某甲年逾而立。家一妻。伉儷甚篤。顧甲酷嗜擲菹戲。雖當三戰三北之時。猶

存。再。接。再。厲。之。見。而。牀。頭。金。盡。殊。不。足。以。圖。再。舉。常。私。携。妻。之。釵。鈿。環。珮。以。爲。孤。注。之。資。而。妻。不。知。也。嗣。後。其。妻。查。知。各。物。不。翼。而。飛。知。爲。甲。之。所。爲。無。疑。妻。本。賢。淑。並。不。以。詬。諍。從。事。惟。有。嚴。加。防。範。而。已。甲。無。間。可。乘。乃。於。夜。間。由。屋。後。鑿。壁。將。圖。竊。取。一。空。方。欲。入。婦。已。驚。覺。疑。其。爲。盜。急。取。棍。猛。擊。之。傷。其。股。并。大。呼。捕。盜。衆。鄰。聞。聲。畢。集。持。燈。燭。之。則。受。傷。而。偃。臥。者。卽。其。夫。也。婦。方。知。其。誤。心。且。爲。之。慚。甚。乃。謝。鄰。衆。而。扶。其。夫。以。歸。醫。治。逾。月。而。愈。人。於。是。咸。譽。甲。之。無。良。而。頌。婦。之。能。賢。

狂且可惡

金陵俗例。於財神誕辰。居民多遊玩金山。入寺焚香。以徵吉兆。某年之正月。初五日。適天朗氣清。春光明媚。遊人興高采烈。帽影鞭絲。絡繹如織。有少婦。數人。淡妝濃抹。風韻天然。乘薄笨而至。惡少數十輩。尾隨其後。評頭品足。任

意嘲謔。婦見勢不佳。退避於金山寺之客堂中。惡少株守之不出。遂以莫須有之事。誣及寺僧。僧不敢效金剛之努目。惟勸以好言。亦不肯散。日云暮矣。窘急萬狀。卽由僧飛報少婦家。請其以僕役來迎。僕役至而羣惡少始各鳥獸散。然而諸少婦芳魂幾碎矣。夫婦女入廟燒香。最干物議。無如佞佛之性。牢不可破。其誠心皈依者。雖不乏人。而藉爲口實。陰與寺僧結歡喜緣者。亦所在多有。如此諸少婦者。未爇瓣香。先遭輕薄。我佛有知其亦怒吹縹一池春水否。

麗人何來

某生翩翩才調。年少風流。留學於日本之某學校。散課之後。時或臨風步月。以滌煩襟。一夕。徙倚橋上。獨自沈吟。忽聞女子咳嗽聲。心甚異之。奈昏黃月黑。莫辨人形。遂不爲意。適警察掌燈至。照耀之下。瞥見橋邊立一麗人。髻年

美。貌。頗。有。天。寒。翠。袖。薄。日。暮。倚。修。竹。之。概。俄。而。警。察。去。遠。此。女。卽。姍。姍。其。來。與。生。作。寒。暄。語。生。拒。之。拂。袖。而。回。與。諸。友。言。之。有。甲。乙。者。聞。其。事。心。慕。焉。請。生。偕。往。重。訪。之。見。女。仍。傍。圍。牆。而。移。徙。若。確。有。所。待。者。忽。見。來。者。人。多。頓。現。羞。澀。態。匆。匆。望。河。邊。去。及。衆。人。趨。而。徧。視。忽。焉。不。知。所。往。狐。耶。鬼。耶。令。人。無。從。猜。測。若。此。生。者。見。色。不。動。固。少。年。中。所。不。可。多。得。殆。佛。家。所。謂。有。定。力。者。歟。不。然。殆。矣。

蛋女之情何重

未。免。有。情。誰。能。遣。此。此。二。語。者。久。爲。自。命。風。流。之。口。頭。禪。然。僅。對。於。男。者。而。言。也。欲。求。諸。妓。女。之。多。情。則。真。不。可。多。得。矣。粵。垣。小。東。門。外。東。基。地。方。爲。沙。艇。停。泊。之。所。有。蛋。女。小。秀。者。珠。娘。中。之。翹。楚。也。一。夕。有。甲。乙。二。人。欲。雇。艇。子。問。價。於。小。秀。小。秀。以。掩。袖。口。媚。語。承。迎。甲。乙。情。爲。所。動。遂。登。其。舟。目。語。眉。挑。

綢繆。倍至甲至此。不禁神魂飄蕩。手與口俱。方欲倚玉偷香。而小秀因羞。生懼。逃至艇頭。暫爲躲避。甲情不能舍。復踵而調之。不圖立足未穩。翻身落水。遂致戲水之魚。頓化飲河之鼠。幸鄰舫竭力撈救。始得上船。秀憐其水衣如畫。寒噤難堪。因解己之衣。衣之而並舉火以烘其衣。且飲以禦寒之品。俟其煖。別雇小艇以送之。歸如小秀者。真可謂有情人矣。然如甲之輕薄性成。幾與伍大夫爲伍。其慶生還。亦幸矣哉。

嫖客之命何輕

浙人李某。與皖人董某。年逾弱冠。契洽殊深。旅居滬上。酷好冶游。一日至某么二院。各選得一妓。纏頭一擲。彼此定情。次日薄暮。聯袂復來。令備酒肴。開懷暢飲。飲畢。橫陳於榻。將復尋臥。游趣有女傭見李神色頓異。疑有急痧。詢明厲處。報知龜主。方欲送回。董在旁言曰。我與李皆已吞煙。意圖畢命。於此。

龜主聞之心益急立雇人力車二。令人扶之坐疾馳而去。至棧門首。棧主見勢不佳不肯納不得已乃折而復回爲巡捕所見持燈燭之李已氣絕惟董服煙較少送醫院救得甦聞二人者以冶游故致生意虧耗無力彌補故萌此短見然少年失足正多補救之方乃一則幸獲返魂之術一則終無續命之絲有識者心焉傷之而歎其不善處世也。

死一個

松江西門外青松石地方有某姓者家有一螟蛉女本爲其子作童養媳後以子頑梗性成失愛於母乃另贅某縫工爲婿張燈結彩行合卺禮洞房花燭熱鬧異常其子見之波興醋海大肆咆哮霎時間將新人所穿之絳衣撕破宛如天花亂墜滿地紛紛縫工睹此情形羞憤交集私服生鴉片堅臥不起逾時畢命其子見事決裂已如黃鶴之高飛杳無踪跡或曰兩雄不並立

此女既先配子。贅又縫工。其爲難之處。固不待智者而後知。然縫工身當其境。豈無不可自全之理。乃遽萌短見。視性命如鴻毛。亦殊不值得矣。說者曰。是真所謂怨偶也。因緣簿上。殆空掛虛名哉。

死二個

會稽人某甲。操魯班業。居城中。有一妹。幼字鄉人某乙。香閨靜守。待賦天桃。無何。年屆破瓜。一點芳心。不耐岑寂。與同業某丙。有染。匪伊朝夕。一日爲乃况所見。深以爲羞。爰集多人。將交頸鴛鴦。雙雙捆縛。正擬捉將官裏去。已爲縣中差役偵知。競來索詐。紛紜擾攘之際。適值某乙。以家計維艱。無力迎娶。亦於是時。搶親甫至門。見人已蜂屯蟻集。疑已風聞。準備探諸鄰右。始悉顛末。乙自忖。窶貧安能再娶。完璧不若收拾殘花。聊免春風。抱怨故擬。仍將該女娶歸。而丙與女反守白頭之約。堅不允從。乙無如何。祇得暫爲空手而返。

詎越日乙與女已私相約相與仰藥畢命矣。嗚呼。一對可憐。蟲可謂愚。可謂癡。可謂無恥。

死三個

嘉興東門外某地方有一塘焉。水甚澄清。游魚可數。迤西有小村。箐深林密。美蔭交加。時有近處閨女三人。年俱及笄。喜其清幽。每日相邀。憩塘邊大樹下。習女紅。叙欸曲。相得甚歡。遂訂爲姊妹行。而標梅迨吉。皆不免於懷春。一日有星士扶杖而過。三女延推八字。皆不相上下。乃相與笑曰。吾三人生則若。是。不。知。死。復。何。如。星士笑而應之曰。他日死則同穴。亦未可知。星士去。三女憶及同穴之言。欲證其事。遂携手河梁。互相推溺。時有垂髻女牧牛於旁。亦從而躍入塘內。恍惚中似有人抱起。謂之曰。此非爾安身地也。可速歸。女凝神視之。身已在岸。卽奔告三女之父母。始得撈香軀於水底。埋玉骨於隴。

中。嗚呼。紅顏未老。白水無情。三女但願同日死。不願同日生。是豈兒率宮中。仙子塵寰。謫滿撒手人天。棄簪環如敝屣耶。抑係龍女轉世。厭棄紅塵。仍歸水府耶。不可得而知已。

死四個

揚州有某甲。開設大麥糖坊。家有一妻。伉儷甚篤。生一子。尙襁褓。其比鄰某乙。有一女。丰度娉婷。春情脈脈。甲垂涎久之。多方勾引。明來暗去。遂成啣臂之盟。未幾珠胎暗結。玉體膨脹。爲乙之中表親某丙所知。備以其情告乙。乙聞而大恚。歸家將女勒斃。瘞於榛莽之間。甲自女死時。或聞空中啜泣聲。或拋磚作響。或暗室露形。亦內不自安。一日甲在地窖大鍋中熬糖。忽見其妻在旁。陡起淫心。妻正詞以拒。甲固強之一失足。顛入鍋內。徧體盡沾熱糖。妻駭愕無所措。抱其子投鍋死。及衆人至救無及矣。將甲夫婦及其子設法撈

起。皮肉盡脫。慘不忍觀。論者爲女鬼之索命也。筆而誌之。以爲登徒子作晨鐘暮鼓。

死五個

上海吳淞江北。旗昌縲絲棧在也。縲絲抽乙乙。惟小家婦女之是親。其日出而往。日入而歸者。無慮數十百輩。平日攝裳聯袂。移鳳屣。過虹腰。要無俟揭淺厲深。詩歌匏葉。某日以老閘橋易置柱礎。暫止行人。則予于水濱者。乃印須我友矣。一日傍晚。有縲絲女十數人。同登某划船。歸時則潮平如鏡。風靜無塵。方謂一轉瞬。即便誕登。不謂舟小。人多。行近彼岸。時遇一小火輪。激浪生波。全船傾覆。經人急救而已。死其四。皆年輕貌美者也。正招親屬認領。忽來一美男子。痛哭一場。亦躍入波心而去。迨救起時。已無返魂術矣。說者曰。此殆有情人也。特不知四女中。伊誰之屬耳。茫茫恨海。其何日填平哉。

死六個

婦女燒香。本干例禁。禁之實所以庇之。奈蠢愚無知。輒敢違禁入廟。卽幸而安然無事。而以清白閨媛。俾賞鑒於緇流之目。辱已甚也。况種種禍機。皆隱伏於三寶地哉。浙東之某山。有某廟。地最荒僻。僧常出外募化。只留一香火管。廟一日有牧童三四。進廟嬉遊。見婦女五人。皆捆結於廟之左右柱。一絲不掛。口塞敗絮。相與大驚。而出號召衆人。入廟醜態。不可逼視。解縛而下。體皆冰矣。再入禪房。檢驗一老香火。亦僵臥於地。面色青腫。膽碎而死矣。急爲告知各家。取衣收殮。無疑其爲盜劫也。含冤忍辱。莫此爲甚。祈福歟。取禍歟。願婦女之入廟燒香者。審處而熟思之也。

死七個

或問喜事宜鬧乎。宜靜乎。曰宜鬧。問關之詩曰。或歌且舞。曰燕笑。語兮皆鬧。

之○明○證○然○鬧○之○於○堂○非○鬧○之○於○房○也○鬧○之○於○堂○固○是○賓○主○交○歡○之○意○鬧○之○於○房○與○新○娘○一○場○胡○鬧○甚○無○謂○也○鬧○房○之○俗○以○甯○波○爲○最○盛○有○某○姓○者○娶○婦○之○日○賀○客○盈○庭○賓○既○醉○止○招○我○由○房○羣○賢○畢○至○少○長○咸○集○樂○甚○也○不○料○人○數○太○多○竟○將○攔○樓○板○之○橫○木○壓○折○諸○客○如○大○羅○天○衆○仙○紛○紛○墮○落○新○婦○亦○作○金○谷○園○之○綠○珠○是○役○也○除○受○傷○不○計○外○新○婦○莫○返○香○魂○而○伴○娘○二○人○伴○而○來○者○亦○伴○而○去○諸○客○擡○送○回○家○其○受○傷○較○重○者○死○者○四○人○幸○新○郎○並○不○在○房○得○免○於○難○噫○樂○極○生○悲○可○賀○也○而○又○弔○之○而○一○座○廣○寒○客○縱○有○吳○剛○之○斧○重○加○修○葺○然○嫦○娥○已○下○降○而○不○知○何○往○矣○今○之○文○明○結○婚○者○其○可○一○挽○積○習○乎○

死八個

金陵某營弁勇奉憲檄赴鄉捕盜固將爲民除害也詎害未除而轉以爲害某日有勇六人約伴至某處時則天低野曠四顧無人驀有二女郎皆破瓜

年。紀。解。珮。丰。神。隨。一。弱。冠。之。兄。長。前。來。六。勇。見。之。陡。起。不。良。心。叱。其。兄。曰。爾。何。人。斯。敢。約。二。少。女。偕。逃。乎。其。兄。未。及。回。言。勇。卽。以。手。鎗。從。事。兄。駭。而。奔。避。不。復。顧。及。弱。質。伶。仃。勇。遂。於。光。天。化。日。之。下。將。女。次。第。輪。姦。比。其。兄。號。召。鄉。人。追。蹤。而。至。則。二。女。皆。血。污。狼。籍。魂。赴。泉。臺。矣。鄉。民。圍。而。擒。之。六。勇。無。一。脫。者。乃。稟。由。營。官。押。解。營。務。處。會。同。上。元。縣。驗。明。女。屍。提。勇。推。鞠。直。認。不。諱。當。由。官。詳。制。憲。制。憲。大。怒。諭。令。軍。前。正。法。人。心。爲。之。大。快。一。時。歡。樂。駢。首。受。誅。淫。惡。者。可。以。鑒。矣。

死九個

粵西女子有結爲金蘭友者。大都以十人爲率。凡所結契之人。皆願與姊妹。行常相聚。處不以有夫爲樂。父母有強嫁者。則預習迷夫術。以殺之。必歸甯。與蘭友相聚。而後已。否則甯同死也。有某鄉某氏子娶某氏女爲室。到家時。

已魚更四躍。乃令新婦暫宿洞房。而以郎君伴之。次日再行合卺禮。蓋是處故有此俗也。詎至上三竿。猶是閉門不起。呼之寂然。相與破門入視。則男死於床。女死於梁。正擾攘間。而外人已喧傳女家姊妹行。是夜駢死於室者。七人。尙有二人。年較穉。居較遠。其父母不令往女家送嫁。故未死也。此固一大惡俗。安得有人焉起而革之乎。

死十個

廣東番禺縣屬之三山鄉。有某甲者。以捕魚爲業。一日臨流舉網。網甫離水。覺有重物。甲以爲漁翁。今日正大得利也。儘力收網起。乃係婦人屍。大驚欲棄去。而審視其身。則有新紅布束縛腰際。乃又盡力牽之。離數尺。又一屍。如是者。得其十。不啻牟尼一串珠。於是遐邇哄傳。以爲非常奇事。真奇事也。此十人者。事前必有要約。何厭於所生。何快於所死。且又蟬聯繫縛於一紅布。

之上。又似從容閑適之極。令人索解人而不可得。真奇事也。或者曰。此卽金蘭十姊妹之流也。其然。豈其然乎。

和尚一

昔有妖人桑狝。弟子二十七人。矯揉造作。束髮爲女子。妝假託巫醫。污人闔閭。其後一一伏法。見於說部。不謂證諸近事。竟有如出一轍者。天津之任莊地方。有一年少尼僧。相傳能看香頭。爲人讓災療疾。見人不敢仰視。羞澀可憐。無知婦女事。若神明。認爲乾阿嬾。拜作佛弟子。指不勝屈。此尼忽來。忽去。蹤跡靡常。如是年餘。絕無疑之者。一日。被人窺破。知其從不昂頭。實護項下梭梭之結核。蓋非雌而實雄也。相與圍而捕之。時方夜半。淫禿適與婦女數輩。作長枕大被之樂。聞人聲。知事洩。欲踰垣遁。已爲鄉民所擒。遂執而送諸琴堂。父母斯民者。因之盡法懲治。而世俗婦女之惑於看香頭者。亦可憬然。

然而悟矣。

和尚二

鳩江西門外白衣庵某僧。塵緣未了。綺障殊深。與附近某姓女有染。肉蒲團上。結就因緣。歡喜參禪。已非朝夕。久之春光漏洩。爲人捉獲。僧自知不守佛戒。向衆叩頭謝罪。許以重賄。始得釋歸。厥後頓爽前約。衆怒甚。向僧官具控。僧官惡其玷污佛門。援引佛祖茶毗之例。令在庵後空地堆置乾柴。灌以油。使僧端坐其上。諸沙彌圍繞。唵經旋命。舉火霎時。碧焰上騰。紅光四射。僧初猶躍起欲逃。在後無名火三昧。火一片熊熊。僧始跏趺示寂。衆之聚而觀者。莫不拍手稱快。說者謂近世禿子。大率犯淫。若盡援此例。吾恐焚之不勝其焚。安得大士慈航。盡此僧而渡登彼岸耶。

和尚三

杭城有某寺僧。六根未淨。四大難空。與鄰近某氏婦有染。禪榻鬢絲。兩相纏。綰。又恐被人窺破。令婦夜來。曉去。行蹤秘密。同叅歡喜之禪。而我佛慈悲。亦不以玷污佛地爲斥。一日爲某孝廉偵知。帶同二從人。於五鼓時。至寺之後門外坐待。天甫明。僧披衣送婦出。瞥見孝廉等。大驚。知事洩。邀之入室。孝廉密謂僧曰。昨夜有人惡作劇。將排闥而入。吾恐驚殘好夢。特來爲護身之符。否則事已敗矣。僧取四百金爲孝廉壽。孝廉笑却之曰。今正春宵。請以一刻之數畀我。僧無奈。如數以獻。始散去。古人云。春宵一刻值千金。孝廉可謂善於引證也。然而孝廉不廉矣。

和尚四

利之言乎鎖也。名之言乎繮也。茫茫塵世。焉往而非牢籠。至於遁身空門。則六根清淨。無束無拘矣。乃觀某僧。則不然。僧卓錫於滬上青蓮庵。身棲白社。

心戀紅塵。與雉妓某呢。設無遮會。結歡喜緣。時往妓處尋歡。僧固大弟子。天花散來。著身不落。妓亦以一副鑲子骨作慈悲。施捨一則。所謂做一天和尚。撞一天鐘。一則。所謂做一天鐘。撞一天和尚。兩情酣暢。倍極淋漓。後爲老僧所知。屢作當頭之棒喝。無如塵緣未斷。覺路難開。爰製木籠。羈之利之鎖耶。名之繮耶。從此一龕供養。入定易出定難矣。特不知某雉妓知之。門關月下。慣受僧敲。又將河以爲情也。

和尚五

身入空門。心地不清。強而遏之。是猶防川。川壅而潰。欲橫則流。同在氣化之中。而必令其如枯井之無波。難矣。大抵節操二字。惟聖賢爲能實踐。下此卽難言之。况乎披薙。非其本心。而爲父母強令之者乎。金陵妙相庵住持乙僧。與丙僧同受甲僧法戒爲弟子。乙僧以不守清規。爲有司所呵斥。而驅逐之。

後丙僧又不知因何事故。經某紳罰令在五百尊羅漢前各誦金剛經百遍。清其心以修其身。亦君子愛人以德耳。有知其事者。謂乙僧先卽與某紳之女私。自乙僧出逐後。丙僧起而續之。某紳既控乙僧於官而逐之矣。不料丙僧之實承其乏也。然何不仍援曩例。而以逐乙僧者逐丙僧乎。僅僅罰以誦經。則固丙僧之便宜也。而某紳之大度斯真不可及矣。某紳女先後與丙乙兩僧參歡喜禪。其修行尤非淺鮮也。說者曰。勒令兩僧還俗。俾如願以償也。特恐女之非和尚不歡耳。

和尚六

某埠某客棧寓一僧。饒於資。日招妓侑酒。棧主乘間諷以言。答曰。吾日中有妓。心中無妓。侑酒何害也。於是笑語喧闐。輒作長夜之飲。至於銷魂。真個則歡喜禪。又誰禁其參也。按心中無妓。一語真是大言欺人。古來賢人君子。猶

自○知○不○能○無○想○像○故○以○克○復○爲○修○省○工○夫○而○淫○禿○反○藉○此○以○文○過○試○問○心○中○之○有○妓○無○妓○誰○見○之○而○誰○知○之○果○其○心○中○精○微○潔○淨○翳○障○全○空○則○設○色○相○於○目○前○亦○屬○多○事○且○其○所○飲○者○酒○所○嚼○者○肉○亦○可○謂○爲○吾○口○中○有○酒○肉○吾○腹○中○無○酒○肉○乎○欺○人○之○言○其○誰○信○之○客○有○爲○之○進○一○解○曰○吾○心○中○有○妓○目○中○無○妓○或○問○其○故○客○曰○懸○一○格○以○相○待○卒○未○之○一○見○凡○生○平○所○遇○者○不○過○空○花○過○眼○耳○此○悟○澈○語○非○好○爲○前○人○翻○案○者○

和尙七

揚○州○財○神○廟○僧○有○妻○有○妾○有○子○有○媳○有○孫○事○事○與○俗○家○同○惟○髡○其○首○耳○廟○爲○運○署○司○香○火○故○有○財○鹽○務○中○之○媚○神○者○皆○與○往○還○故○有○勢○財○勢○兩○全○而○又○奸○巧○故○得○安○然○擁○妻○孥○而○無○事○其○所○以○無○事○者○則○於○同○治○初○年○稟○呈○地○方○官○稱○某○之○出○家○迫○於○賊○今○故○妻○重○逢○請○示○作○何○位○置○時○官○軍○方○全○力○搏○南○京○籌○兵○

餉。且。不。暇。不。急。之。務。不。甚。措。意。姑。批。給。貲。養。贍。而。適。墮。其。奸。計。中。於。是。該。僧。之。有。眷。屬。不。管。奉。憲。諭。而。爲。之。矣。時。有。婦。投。縣。控。僧。自。認。爲。僧。之。妻。指。廟。中。之。婦。謂。爲。妾。官。又。批。如。前。僧。乃。得。左。抱。右。擁。之。樂。矣。事。迹。污。穢。毫。不。知。非。子。若。孫。世。其。家。數。十。年。來。尚。仍。舊。貫。云。

和尚八

杭州天竺靈隱之僧人。大都皆有外室。某寺僧與某家婦私。非一日矣。會大比年。某家以房屋租作考寓。某縣某生租得婦之臥室。婦遷讓他所。收拾其零物。鍵鎖其箱籠。而牀帳依然。爲某生下榻處。一夕生方就寢。忽見一人自窗外入。遽登其牀。相與摟抱。生駭而起。僧知誤。卽遁去。起而燭之。得遺扇一。則某某上人。上款也。明日蹤跡之。知爲某寺僧。袖扇謁僧。作完璧。趙僧以百金壽兩相。心照而已。生歸寓。償租。值當日他遷去。婦返已室寢焉。次日婦不

起。家。人。入。而。視。婦。斷。頭。死。矣。衆。大。駭。異。莫。得。死。之。由。報。官。請。驗。終。以。疑。獄。無。定。讞。生。聞。之。不。敢。言。襖。被。歸。里。不。復。作。功。名。想。蓋。僧。以。奸。事。已。敗。露。非。殺。之。不。足。以。滅。口。殊。不。料。生。去。而。婦。返。也。於。是。乎。李。代。桃。僵。焉。遲。之。又。久。生。乃。爲。人。述。其。事。云。

和尙九

蘇州某寺僧。涎鄰婦某氏色。冥情思慕。已非一日。千方百計。好事竟成。有時潛往婦家。有時引婦到寺。兩情繾綣。恩愛非常。時爲一班流氓所偵知。候婦入寺。一擁而入。將大肆其敲詐手段。婦以計脫。僧竟爲其所黜。有一點者。拾一蟻窠之枯樹根。蒙蓋僧頭。而挾持其兩手。蟻得僧頭熱氣。驚而四出。橫行亂竄。無孔不穿。奇癢難搔。涕泗迸出。終倩家兄作和事。老則亦不言可喻矣。說者曰。以小頭故。偏治其大頭。未免治之不得。其當然以一個和尙頭得物。

蒙○蓋○亦○美○事○也○蠕○蠕○作○癢○欲○搔○不○得○又○趣○事○也○有○美○有○趣○致○涕○泗○之○迸○出○則○固○舒○暢○之○至○而○大○快○之○事○也○光○頭○何○修○而○得○此○嘻○妙○矣○哉○

和尚十

松江之西門外米市渡口有鄉人焉支茅作屋撒網撈魚臨水生涯頗爲不惡一日歛網其重百鈞疑爲十倍利市也極力曳出乃見兩人一女一僧手皆反接其爲姦案無疑女年約不過二十面目娟好辮髮而天足似學生裝束僧年稍長皆生氣奕奕當落水未久者夫色欲之事亦難言矣人苟非一貧徹骨游蕩不事事者誰無糟糠妻猶不免於踰牆穿穴存得隴望蜀之心和尚獨非血肉體而必於彼乎是斬於理亦欠持平况姦出於和尚固有願與之和者送官究辦按律不過杖責勒令還俗而已無死罪也鄉愚恃蠻妄作殊非造福之道

和尚十一

京師德勝門內鸚哥胡同有某部郎者。家有一女。及瓜年紀。解佩丰神。人皆豔羨。不置。每於夕陽西下。徙倚門前。嫣然一笑。媚麗欲絕。有護國寺喇嘛僧某。見而垂涎。多方引誘。哄至寺中。另闢小院。以當金屋之藏。閉置月餘。女頗能參歡喜禪。而僧亦現身說法。寺甚空曠。故住持僧等。俱未之覺。從此借淨域爲陽臺。嚙臂盟心。永不插紅塵之脚矣。詎知好會無常。一日該僧忽與女口角。反唇相稽。女乃高聲呼救。僧恐肇事。端放之歸家。女父正在無處尋訪。得女後。卽赴官廳控告。卽飭提喇嘛僧到案訊問。照律究辦。未知公庭對簿時。一光頭一丫髻。兩人作何情狀。或謂護國寺爲京師極大禪林。今乃有此穢迹。豈活佛偶動凡心乎。抑女本散花仙子。偶與維摩游戲乎。呵呵。

和尚十二

越人陳某家有一妻一妾。而膝下尙虛。妾性喜佞佛。時以祈嗣爲名。入廟燒香。因與某僧有染。或效天女之散花。或學麻姑之搔背。鬢絲禪榻。繾綣殊深。而大婦與夫固未之知也。一日僧喬裝比邱尼。赴妾處託言諷經求子。以掩耳目。大婦亦不之疑。及陳歸。尼似有驚皇狀。遂留心窺察。見其與妾眉目傳情。知有暗昧。商諸妻。具伊蒲饌以餉之。而使妻與接席勸飲。再三尼辭以醉。妻故強之。酒污其襟。乃佯爲拂拭。而實捫其胸。知無乳峯。暗告於陳。執而驗之。男子身也。遂納之。豚笠昇至河濱。而投諸水。其妾亦鬻諸他姓。嘗閱野史。見載姦僧犯色界而被溺者。有填望江南詞一闋以嘲之。其詞曰。江南竹。巧匠製爲籠。付與法師藏。法體碧波深處。伴蛟龍。方信色皆空。可以移贈此僧。

和尚十三

某明府政聲卓著。人頌神明。風塵中之能吏也。日者有寡婦。淡妝素服。貌似。

徐娘送一十七歲之子至署。控其忤逆。請官盡法懲辦。官將婦再三開導。婦堅請治罪。官謂爾要將子處死。亦須給以一副好木棺。可速辦。十千錢來。少頃。婦持錢至。問從何來。則曰。質庫令出票。辨之。見內有僧衣數件。詰婦。婦謂與此僧爲鄰。向之商借。官立即飭提僧至。責以出家人慈悲爲念。何反助桀爲虐。命笞之。僧叩頭不已。乃使罰錢二十千。以自贖。既而又傳質庫人至。謂僧俗混雜之物。必是來路不清。爾典何不加盤問。漫焉受質。論法當罰。今本縣有一學徒。欲命爾携回典中。學習生意。爾願之乎。則應之曰。諾。遂命婦之子當堂拜謝師傅。且爲述其事。并將錢十二千。令代贖衣。餘交徒零用。案遂結。良有司全人骨月。護人名節之苦心。真令人莫測哉。特太便宜。此淫禿耳。

尼姑一

嘉興城內外多尼庵。琳宮梵宇。不一而足。顧皆淫邪淵藪也。有雛尼法名某。

者。華。年。三。五。丰。致。嬌。然。雖。已。削。去。八。千。根。煩。惱。絲。而。傅。粉。塗。脂。無。異。閨。中。妙。選。時。有。宦。家。女。夙。耽。禪。悅。焚。香。繡。佛。與。某。雛。尼。共。參。玉。版。禪。顧。幼。已。許。字。某。姓。子。無。何。于。歸。有。日。將。賦。桃。夭。女。聞。而。憂。之。遂。與。雛。尼。謀。急。急。筮。期。披。薤。夫。家。怒。據。情。控。諸。琴。堂。縣。官。某。明。府。乃。帶。差。親。至。拘。拿。圍。住。山。門。甫。欲。入。內。忽。一。比。邱。自。雲。房。出。遂。飭。按。住。就。佛。前。答。責。數。百。版。繫。以。黑。索。連。女。及。尼。與。老。尼。帶。回。研。訊。供。詞。矛。盾。閃。爍。支。離。明。府。亦。不。與。深。究。祇。飭。將。尼。等。分。別。責。懲。女。則。給。其。家。領。回。嘻。佛。法。以。清。淨。爲。宗。今。乃。齷。齷。若。此。奈。何。世。之。沈。迷。不。悟。者。猶。願。皈。依。蓮。座。甘。心。佞。佛。耶。

尼姑二

嘉興北門有酒肆主某甲與附近某庵中之比邱尼結歡喜緣禪榻鬢絲蹤跡秘密竹魔綺障蓋幾經菩薩之低眉矣不謂邪緣所遇甲復與某姓傭婦

阿珠有私珠巧。擅梳掠。年雖二十。猶是雲英未嫁之身。物色得甲。方圖寵擅。專房白頭。偕老相暱。既久。漸知甲與尼有染。乃密伺之。一日跡得甲往庵中。徑叩禪關。扭甲而責其薄倖。尼亦惡珠之驚散于飛。相與詬誶佛堂之地。穢聲外揚。甲不敢爲左右袒。出庵逃歸。珠與尼相爭不已。扭至酒肆。質證於甲。觀者爲之塞途。尼始含羞而去。珠則曳甲同返私室。一時見之者。無不爲之掩口胡盧。

尼姑三

定海陳某。風神韶秀。不啻衛玠璧人。一日赴甬北觀會。瞥見二美尼。亭亭裊裊。姍姍而來。其少者丰姿尤麗。如散花之天女。搔背之麻姑。心醉魂銷。低徊不忍去。尼見陳亦如天台仙子之逢劉阮。顧盼有情。某遂尾尼後而行。至庵門。隨之入。則尙有一尼。年約三十餘歲。主庵事。設酒待之。至晚。庵主留之。同

宿結歡喜緣。陳勉應之。次日與少尼赴巫山之會。自此分宵值宿。日在溫柔鄉。大有此間樂不思蜀之意。居無何。少尼謂陳曰。奴之所望於君者。欲效吳彩鑾嫁文簫故事。今日夜歡會。恐雙斧孤樹不待智者而知。其不能久長。盍姑出而謀秦臺跨鳳計乎。陳諾諾如命。想情魔終未易遣除也。妖尼恣淫若此。安得借三江之水爲佛地。一滌污穢。

尼姑四

蘇州某庵有一比丘尼。年不過二八。丰姿楚楚。不啻月裏嫦娥。顧雖遁跡空門。已徑披薙而塵心一點。偏慕俗家裝束。一日濃妝淡抹。垂髮綆於腦後。姍姍徐步。顧影自憐。行至某繡貨店。購備針黹。鋪夥見之。以爲是必女校之女學生也。遂持以與之。尼探囊酬其直。正效河間姹女數錢時。不料觀者麇集。擁擠愈甚。竟將尼之假綆。掀落於地。陡露頂上圓光。尼驚皇失色。衆乃大譁。

夫八千根煩惱絲。固尼所自有者也。乃既至牛山濯濯。而復欲仿效乎俗家。回首當年。不亦多此一舉乎。或者曰。此真正是女學生。並且方由外洋留學歸來者。不然。何不異於男學生之假縵子。而偏於若人。也是異。

尼姑五

海上某校書。韶年玉貌。楚楚可憐。有本城人朱某者。納爲窻室。以爲名花。有主不致風雨摧殘矣。不料朱乖戾性成。笞鳳鞭鸞。多方凌虐。校書不堪其苦。因之遁入空門。李遂指爲捲逃。向新署捏控。差役四出偵探。鴻飛冥冥。迄未弋獲。一日朱在更上一層樓。與友茗談。校書忽頂上光光。翩然而至。朱驟見之下。錯愕不知所計。校書且泣且訴。瀝陳刻薄情形。聲泪俱下。朱赧顏欲避。校書牽其裾。堅不釋。旋相將下樓去。校書自報英麻。聲訴問官。訊得捲竊無憑。且校書實有冤抑。不予准理。噫。妾真薄命。猶是飄零。郎太無情。尙思磨折。

一腔幽怨不難勘破紅塵畢世清修永合盟茲白水潔身遠引悟道入禪有足多者彼校書其能守焉否耶。

尼姑六

金陵有魏某者。早年娶賈氏女爲室。琴耽瑟好。伉儷甚敦。嗣以父母相繼逝。世爲債戶所迫。舍家遁去。蹤跡杳然。賈氏旋亦披度爲尼。遁入空門。粥魚茶版。忽忽已十載矣。魏自去家後。束髮爲羽士裝。雲遊天下。隨處募資。積銖累寸。囊橐漸充。忽焉觸動鄉思。易髻爲辮。間關回理。遍訪賈氏音耗。不可得。一日遇諸途。悲喜交集。各訴離緒。至於泣下。乃願效樂昌之破鏡。重圓。賈氏曰。人則猶是也。而髮已濯濯矣。何如。魏白。何懼。乃購髮網爲之妝飾。則一三十許麗人也。相與重締舊緣。墜歡再拾。復爲夫婦如初。觀於此。可見離合之奇。月老真好爲作弄。然亦未始非佛門弟子一段佳話。

尼姑七

浙東某地方有陳某。操駕舟業。某日有比邱尼附船赴郡。携一衣包。內藏銅元若干。陳某見之。疑爲銀也。欲謀之。將船搖向僻路。促令登岸。指其包刺船徑去。時已日暮。途窮。尼踉蹌至某農家。見有一婦一孩。夫尙外出未歸。尼哀求寄宿。婦許之。遂與同床而睡。次晨辭去。及夫歸。見床前有濕鞋痕。果男鞋也。疑而問孩。孩言母與和尚同睡。夫大怒。立將其妻擊斃。越數日。尼以禮物踵謝。孩告父曰。前夜與母同宿者。卽此和尚也。甲始知妻之冤。順手擊孩一下。頓卽畢命。尼惻然於心。亦投河而死。未幾陳被雷殛死。手中捧銅元焉。按此事皆由疑起。舟子疑銅元爲銀。而故匿之。婦之夫疑濕痕爲僧鞋。而輕信孩言。以致連喪三命。疑之爲禍也。烈乎。律重首惡。故陳不免於雷殛歟。

尼姑八

鄂省某縣某氏婦。性淫蕩。常不安於室。其夫深惡之。訴諸妻兄。將計殺之。爲婦所聞。逃爲尼。初與某甲私。旋又與某乙比鄰而居。因亦有染。尼得新棄舊。遂與乙謀殺甲。而移其屍於兄之田中。蓋尼因兄之曾欲殺己也。將以報宿怨。而詐資財。而不意。黑夜中誤埋其屍於鄰田也。次日尼親詣縣署。報兄謀殺其道友。且指其匿屍處以證。縣官信之。率役前往。起屍不得。而得諸鄰田。驗之。果有傷。乃帶尼與田主鄰保等回署研訊。先提尼。推鞫。旋及左右鄰。乙故。尼鄰故亦與焉。乙見差至。早已心虛。迨上堂時。見尼跪於階下。卽大聲曰。爾害我。我當時云殺人者要償命。爾云弗怕。且云可藉此詐錢成家。今何如耶。官見乙不刑自承。大喜。立命錄供畫字。而案遂定。此真所謂天網恢恢。疎而不漏者。

尼姑九

江浙間多俊尼。而浙湖之南潯鎮尤爲著名。南潯有萬壽庵。玉兒者。尼庵中之特色也。常熟孫太史微時。實眷之。太史故貧甚。家居無俚。偕其友某君作南潯遊。一見玉兒。而悅之。遂與定情。禪榻流連。互相憐愛。太史固阮囊羞澀者。玉兒卻不以金錢爲主義也。閱時既久。太史歸矣。玉兒諄諄訂後會。而太史竟從此與玉兒絕。玉兒因之仰藥。死人莫不詈太史之無情。而憐玉兒之多情也。然玉兒之死。正別有原因在。南潯尼庵私例。凡有與幼尼破瓜者。同庵之人。皆得有所津潤。太史蓋不名一錢者。則玉兒未始不爲庵中人。逼迫所致也。伯仁由我而死。太史真薄倖哉。

尼姑十

婦女祝髮爲尼。本屬萬不得已之事。必其人六根已淨。方得一意修真。乃庵觀之中。類多幼尼。苟非拐帶而來。必係佛門淫種。往往老尼視爲錢樹子。使

之倚門賣笑。效勾欄行徑。凡若此者。急宜遣之還俗。不然。則亦多此披剃之一舉矣。常州某尼庵。本多女尼。每值佛誕。廣集十方女檀越。啐經禮懺。相習爲常。近更多選幼尼。日以手工爲事。中有二尼。年屆破瓜。尤爲嬌豔。見者皆疑爲天女。臨凡。於是輕薄之徒。以購求活計爲名。爭集於門。甚於市肆。致將清淨之地。變爲熱鬧之場。甚至送客留髡之事。往往而有。是亦風俗之隱憂也。其何弗出諸庵堂。納諸學堂。俾得亦受普通教育乎。

尼姑十一

尼而兼妓。江浙兩省多有之。衣俱綢緞。下體亦服裙。裙下蓮瓣。雖不裹。亦頗瘦挺。著時式鞋。不蓄髮。而四周茸茸覆額。被頸。卽俗所謂劉海頂者也。冠尼冠衣皆長領。外罩馬甲。皆以最時新之闌干爲滾邊。項間金練。璀璨時露於外。經懺亦自爛熟。鐘磬鐃鈸笙管。無不能。客至可茗。話可筵。宴可手談。並倩。

芙蓉仙子作招待員。身價頗自高。求歡好。須極親密。而不吝多金。間有納爲小星者。蘇州吳江縣屬之盛澤鎮。有淨明庵。中藏少年尼姑數輩。有大金小金兩尼。貌尤俊麗。大金爲某貳尹所昵。欲娶之。而格於家法。後不知其所終。小金爲某生娶去。今築金屋於姑蘇臺畔。修其髮而織其趾矣。兩人同是陳妙常出身。而所遇兩不相同。爲小金。幸不得不爲大金憾。

尼姑十二

男女好合之私。聖人弗禁。同居生生之氣。化中豈能外此。洪鑪之鼓鑄。但非閑之以禮。則與禽獸奚擇哉。然女尼亦肉慾身。其於青年時候。必責其空門寂守。亦豈人情。石湖之濱。靈巖之麓。有蠡墅鎮。鎮有尼庵。庵有幼尼某。喜整容倩。鑷工除毛髮。月必四五次。四日相對。日積日稔。兩情既洽。遂願通家。一日。工爲尼挖耳。至深入。與竅時。尼不禁情興大發。乃藉八寶床。作肉身佈施。

自。以。爲。無。罣。礙。無。恐。怖。也。詎。惡。少。輩。不。做。好。事。伺。其。方。在。極。樂。世。界。遽。糾。衆。掩。捕。之。工。乘。間。脫。去。冒。險。踰。牆。墮。傷。足。不。可。行。仍。被。執。拳。脚。橫。施。竟。爾。殞。命。陳。妙。常。受。恩。深。重。其。何。以。爲。情。不。識。諸。惡。少。定。做。人。命。更。何。以。爲。地。

尼姑十三

女。子。生。而。願。爲。之。有。家。有。之。云。者。言。得。所。歸。也。乃。反。乎。有。家。之。常。而。偏。爲。出。家。之。想。或。者。所。天。早。喪。膝。下。無。依。寄。迹。空。門。餘。生。斷。送。心。迹。非。不。清。也。而。旁。觀。者。猶。譏。以。不。出。閨。門。之。套。話。也。况。乎。以。待。字。年。華。強。銷。磨。於。暮。鼓。晨。鐘。之。地。哉。常。州。某。鄉。一。女。子。年。甫。二。八。自。言。勘。破。紅。塵。祝。髮。於。西。門。外。之。某。庵。四。大。空。耶。六。根。淨。耶。心。其。死。灰。耶。形。其。槁。木。耶。然。耶。否。耶。其。自。信。之。而。自。言。之。耶。乃。果。不。及。數。月。竟。如。石。頭。記。櫛。翠。庵。之。妙。玉。樓。頭。黃。鶴。一。去。不。還。亦。既。塵。心。未。淨。何。必。多。此。一。舉。其。殆。別。有。懷。抱。耶。真。令。人。索。解。不。得。也。

尼姑十四

江浙間多豔尼。而清淨之場。遂變爲齷齪之地。然此風則山東之濟南一帶爲尤甚。有某庵者。中有年輕之尼四五輩。姿容妖冶。各有所歡。暮暮朝朝。不啻巫山雲雨也。第以事屬苟合。碍於人之耳目。乃出其特別思想。以作個中之暗號。如甲尼欲約某客至。則擊鐘也。乙尼欲約某客至。則擊磬也。丙尼欲約某客至。則擊鼓也。個人記此暗號。即可聞聲而至。陽臺豔會。習以爲常。以故山門之外。時有狂蜂浪蝶。來相聽候者。且一尼之所歡。或並不止一客。其擊鐘而約甲客至者。安知其不又擊魚擊饒而約乙客丙客耶。禪房雖小。可無彼此晤面之嫌矣。噫。如此尼者。既未能空諸色相。何不各自還俗。結成眷屬。不較此委曲周旋之爲直截爽快乎。不然。其計雖巧。亦多此一番周折矣。

尼姑十五

蕪湖年來種種怪現象。不一而足。某君編成竹枝詞。多至百餘首。率多清新雋逸之句。其尼庵一絕。意厲諷諫。讀之尤覺忍俊不禁。其詞曰。紅妝嫋嫋入孤村。路上青年欲斷魂。借問歡緣何處結。牧童遙指一天門。一天門。尼庵有豔尼數輩。所謂冶容誨淫者。不問可知矣。是庵地處荒僻。爲外人耳目所罕及。故某君詩中有孤村牧童等語。一時癡男怨女。麇集於此。而大家眷屬。尤喜至其處。乃爲上等閨秀秘密賣淫之所。庵中之尼。竟如妓家之本家者。然既已自爲博取賣淫錢。又坐收賣淫者賣淫錢。生涯頗覺不惡。此蕪湖怪現象之一也。

和尚與尼姑一

嗚呼。佛門至今日。可謂玷污之甚矣。其僧巧立名目。誘蕩婦以宣淫。其尼暗設陽臺。招蕭郎而赴會。種種不法。正不第如說部所云而已也。甯波某庵有

女尼塵緣未了。不慣寂守空門。時與某寺僧同參歡喜之禪。或僧來尼處。或尼往僧居。兩相交通。亦兩相秘密。久之春光漏洩。爲一般無賴所聞。一日知尼在僧寺。卽糾集多人。排闥直入。則一對光頭儼如夫婦。正效鴛鴦交頸。而眠。遂雙雙捕獲。縛於柱上。欲勒索重賂。則以僧甚貧。不能應。僅將寺中搜括一空而已。夫男僧女尼。皈依佛座。原以清淨寂滅爲宗旨。乃借施捨之金錢。養此輩以恣其淫欲。豈我佛慈悲亦憐此色中餓鬼。將藉以救苦救難耶。恨不能如韓昌黎所云。人其人。火其書。廬其居之爲快也。

和尚與尼姑二

男女居室。人之大倫。自有僧尼一流。而正倫幾少。其一矣。然六根清淨。永成入定之身。猶可言也。若其色障未空。情魔易惹。與其男生枝節。何若於空門中。自求匹偶乎。閩省泉城南門外某山之麓。有雲源寺者。向來主持香火。惟

比邱尼數人。近得檀越廣爲佈施。香積厨中。饒有積蓄。遂不免飽煖思淫。以致有別院之僧人。溷跡其中。吳越一體。各自配偶。儼若人間夫婦。伉儷甚諧。某日泉州府某太守詣寺拈香。見僧尼雜處。多至十有餘人。嗟訝久之。謂我佛慈悲。乃容若輩在此。宣淫乎。爰擇其年相若者。各爲定配。著令還俗。而祇留一老僧。老尼守寺。太守此舉。可謂曲體人情者矣。有斯民之責者。使得盡如太守。吾知天下必於是乎。鮮怨曠。

和尚與尼姑三

中元節前後之盂蘭盆會。各處沿爲風俗。廣延僧道。大啓醮場。舉國若狂。牢不可破。以致此數日中。羽客縉流。應接不暇。每有以不僧不道之輩。混廁其間者。孰意愈出愈奇。竟有以比邱尼冒爲和尚者。嘻。何其妄耶。揚郡某大家。於中元前三日。延僧誦經。法鼓金鏡。廣宣梵唄。時有某甲入內觀看。見有一

僧雖頂上光光而體態妖嬈絕無鬚眉之氣疑而審視遂窺出破綻知其非僧乃呼而謂之曰法師亦欲於青蓮座下現西方並蒂之蓮乎僧聞之合十而謝曰願大檀越以佛法慈悲爲念廣開方便之門則所以濟僧者其功更勝於賑濟孤魂也甲乃不顧而去噫此等淫禿吾知菩薩見之將以金剛降魔杵擣之不已而謂其尙能普度幽魂乎觀於此而世之迷信者可以悟矣

和尚與尼姑四

蘇州閶門內田雞巷白衣庵住持僧向不守清規與附近定慧庵女尼有染門敲月下緣結花前蓋不知幾度同參歡喜禪矣爲同巷地痞所偵知於某日天明俟庵啟門糾衆而進香夥不及攔阻被其一擁而入直至禪房深處則羅帳低垂尙作鴛鴦之交頸遂將兩個光頭雙雙捆縛一絲不掛四大皆空相與舉而擲諸門外時已日上三竿路上行人漸衆駐足而觀者一時如

蟻之附羶。蘇人最喜觀看。凡婦女爲尤甚。斯時婦女之行經。其處者欲觀而情。有難堪不觀。而心有不釋。於是人之觀僧尼者。轉以觀觀僧尼之婦女。其情形可想見也。旋經本區巡警局聞知。將僧尼帶回懲處。並在僧庵搜出女衣一箱。及繡鞋香粉。閨物甚多。則淫僧之罪快。不問可知矣。後經地方官將兩庵同時發封。以爲不守空王規法者戒。

和尚與尼姑五

杭垣祥符寺僧人靜慧。鍵關求施捨。願滿將大興梵院。有巨賈之妾。孀居已數年。蓄有餘資。愛結善緣。竟自備齋糧。乞禪房。花木深處。爲清修地。蓋自以爲帶髮修行者也。不謂塵魔未淨。冤孽相逢。坐關者既鑽穴以相窺。繡佛者乃開門而見納。兩心浹洽。俾小僧沐浴於甘露水中。揭諦揭諦。皆大歡喜。嗣慮紺宇琳宮。非藏嬌所。另覓金屋。乘頭上煩惱絲。新長養易服。迺行寺中一

切。委。香。司。某。謹。守。之。安。置。妥。貼。擬。仍。返。關。以。掩。衆。人。之。耳。目。乃。和。尙。色。心。熾。香。司。盜。心。生。伺。其。去。時。將。所。有。席。捲。而。去。迨。和。尙。返。而。寺。中。已。空。無。所。有。徒。呼。負。負。而。已。嗚。呼。天。下。財。色。兩。字。真。是。誤。人。不。淺。

和尙與尼姑六

僧人以朝山進香爲功德。原其意以爲活佛不可得而見而生前之清修苦行。或藉我心之到處印證。可徵窺其萬千之一二。故著名之叢林。必使有以瞻拜而後快。一日有一僧人從浙之定海至普陀山。紆道出甬江。渡頭待渡。舟中先有一女尼在。佛家無內外。進艙敘談。先語遊覽。次引釋典。終則各詢衣鉢之相承。與夫家世之所自出。談言未畢。各注目相視而相訝。不禁失聲齊哭。合舟爲之愕然。蓋僧與尼本屬結髮夫婦。因遭亂後。流離奔走。無家可歸。因削髮以入空門。閱十餘年。面目幾皆變改。撫今感昔。淒慘何堪。然以多

年以來。彼此生死之不知。而竟於無意中得夫妻之見面。猶屬此生幸事。惜乎同舟之人皆係萍水。不知此後之如何也。

和尚與尼姑七

吳中某庵有比丘尼。與某寺僧私。僧尼互相往來。僧溺於賭。曾貸尼銀數十兩。許以重利。久弗能償。後尼知僧屢戰屢北。逋資纍纍。日至僧處。向之逼索。有甲乙兩人。與僧善。爲生一計。以解其圍。俟尼至。甲與乙突然而入。詢尼曰。師何盛怒。乃爾。尼不應。甲曰。師爲佛門弟子。圖重利。以索人財。彼請暫緩。卽行謾罵。貪瞋癡三戒。師犯其二。恐非如來所喜也。乙佯爲解之曰。彼自討債。與汝何干。且勒收重利。爲如來家法。汝未之知耶。甲問何以言之。乙曰。汝不聞彼教中淨口咒云。修利。修利。摩訶修利。修利。修利。修利。娑婆訶。淨身咒云。修多利。修多利。修摩利。娑婆訶。此非修利。爲如來家法乎。尼見口衆我寡。不敢辨。悻

悻而去。翌日重至。則僧已避匿無蹤。惟有徒呼負負而已。噫如此尼者。既失其身。復失其財。夫乃太不直得乎。

和尚與尼姑八

蘇州某庵僧。六根未淨。四大難空。卓錫於城南之某庵。有某氏女。到庵禮佛。僧試其勾挑手段。致女神情。願倒。竟與之私。庵之左近有一尼庵。庵中祇一老尼。女拜老尼爲師。情願出家修行。其中自是時。借歸甯爲名。往往潛至僧庵。中有客宿。宿有客信。信久之。又久。外人不能知也。偶女家遣婢媼以食物貽女。婢媼至尼庵。不見女所在。一經盤問其事。乃敗。由女家控僧於官。僧以運動得免。女家醜。女行置不問。且一聽女之所爲。而僧與女遂得往來無間也。何物禿奴。肆行無忌。人有知女。固饒於姿者。咸稱爲三小姐云。

道士一

自來庵寺之中。往往藏垢納污。不守佛戒。在和尙則禪參歡喜。在女尼則冶容誨淫。其甚者。合僧尼於一處。宣淫佛地。種種不法。擢髮難數。惟道士奉黃老之教。以清淨寂滅爲宗。雖其中不無敗類。而寡廉鮮恥之事。尙屬罕聞。不謂蘇州某道觀。琳宮紺宇。房舍幽深。有某道人住持其間。忽發異想。購置二女。潛納入觀。使之塗脂抹粉。招引墜鞭。俊侶挾彈。王孫月夕。花晨。作風流勝會。道人亦趨承維謹。縮頭曳尾。不以一頂綠頭巾爲老君頽。其聲價蓋居然與賣笑生涯同一蹊徑焉。詎積惡旣稔。穢德彰聞。被人告發。將道人與二女一齊捉將官裏去。懲責有差。驅而逐之。從此翩翩羽衣之中。又添老元緒一流人。而凡爲道士者。可以作龜鑑矣。

道士二

杭州某道院之某道士。自號純陽老祖。售符籙。施法水。歛錢惑衆。鬩動一時。

致有無知婦女。紛紛願列弟子行。該道乃以三六九等日。創爲傳道之期。闔閣嬌娃。除焚香膜拜外。環而聽者。粉白黛綠。如醉如癡。若問其在院所作何事。在婦女喜結僧道之緣。固不肯言。而亦不能言也。有某游人之女。被其誘匿。控案請拘。當徑兵勇嚴密圍捕。擒獲道士數名。起出藥丸藥水。並有不可名狀之物。大抵皆宣淫媚女之品。又搜獲婦女數口。解經官憲訊鞫。婦女同供。被用迷藥強姦。情形鑿鑿有據。道士等亦自知罪無可逭。供認姦污各情不諱。乃按律懲辦而後已。嗟彼婦女。以入廟燒香之故。以致有玷名節。觀此亦知所自返否。

道士三

有某甲者。貿易中人也。年逾弱冠。新娶某氏婦。婦饒於姿。伉儷甚篤。甫滿月。甲卽出外營生。婦獨居室中。並無伴侶。一日有嫗欺其門云。係某甲之姑。婦

亦○莫○窺○巔○未○延○坐○欸○洽○以○姑○視○姑○而○已○薄○暮○不○去○婦○乃○潔○一○室○以○榻○之○嫗○亦○安○之○若○素○也○詎○裙○甫○解○兩○脛○毫○毛○茸○茸○然○婦○見○惑○之○猝○生○一○計○託○言○有○物○在○外○未○收○嫗○不○之○疑○聽○之○去○而○坐○待○焉○未○幾○有○數○男○子○擁○入○戶○擒○嫗○出○諦○視○之○乃○某○道○士○僞○裝○爲○嫗○者○執○而○送○諸○官○訊○得○實○置○諸○法○蓋○婦○之○託○言○而○出○外○其○潛○告○比○鄰○也○數○男○子○者○婦○所○號○召○而○來○者○也○固○道○士○所○不○及○料○也○道○士○知○婦○夫○之○不○在○家○因○設○計○以○思○遂○其○所○欲○爲○幸○而○婦○之○細○心○不○然○其○何○堪○設○想○哉○

道士四

嘉興城內城隍廟殿宇巍峨香煙鼎盛有道士修煉其間數年以來頗相安也日者有某宦瀛眷詣廟拈香頂禮亞畢到處隨喜金蓮貼地姍姍來遲驀見一處房闔精幽陳設古雅一人雲帔鶴擎道貌仙風一人翠羽明璫濃妝艷裹相對列坐談笑歡嬉見客至傲不爲禮一若行所無事也者宦眷深訝

曰。此。地。何。而。容。野。鴛。鴦。之。雙。宿。雙。飛。耶。拂。袖。而。去。歸。訴。主。人。告。諸。官。卽。簽。差。往。拘。道。士。悚。惶。無。地。急。以。阿。諸。物。厚。賄。差。役。而。往。他。處。靈。遊。以。避。官。符。夫。近。來。羽。士。每。多。不。守。清。規。而。藉。此。念。咒。捻。訣。之。名。偏。得。誑。人。財。物。者。亦。徒。長。其。飽。暖。思。淫。之。念。耳。則。如。此。道。士。者。不。誠。老。君。之。罪。人。哉。

道士五

釋。道。二。教。由。來。已。舊。和。尙。有。禪。門。有。輔。行。禪。門。中。雖。亦。分。宗。派。而。要。皆。以。清。淨。寂。滅。爲。主。輔。行。則。飲。酒。食。肉。育。妻。生。子。略。無。忌。也。道。士。之。輔。行。曰。火。居。上。承。其。所。自。生。下。線。其。所。已。出。依。附。於。祖。師。門。下。而。自。業。其。業。松。江。城。內。有。某。道。士。火。居。也。在。某。道。觀。奉。香。火。家。卽。居。觀。之。旁。一。日。有。縣。差。經。其。處。見。有。兩。婦。扭。作。一。團。幾。如。接。翼。鴛。鴦。不。可。猝。解。有。見。而。笑。者。有。見。而。勸。者。有。謂。年。穉。而。美。貌。者。爲。火。居。之。妾。其。稍。長。者。爲。妻。以。爭。值。宿。故。也。其。時。縣。差。一。池。春。水。

甚事干卿。乃竟令其彼此不准當夕。致火居之火。直冒而無可發洩。於是乎私事而公辦矣。或者曰。道士窮於攝妖術。詎無敕勒符之可以暫代乎。聞者譁然一笑。

道士六

粵中某鄉有甲乙丙三人。同姓不宗。甲向在新金山經商獲利而返。年逾不惑。中饋猶處倩乙物色之。乙涎其財。諾焉。一日偶經城隍廟側。見某道士之媳。丰姿綽約。以新喪其姑。身穿縞素。遂心生一計。入見道士。託言族兄某甲。近因遇祟。騙得符咒治之。彼家資甚富。爾可要以多金。他日得財平分。道士惑之。乙往返數次。言甲已允重謝。約期以肩輿來迎。及回見甲。則言道士新抱喪。明之痛其媳。年少貌美。道士欲嫁之。我已代爲致意。甲往覘之。美甚。大喜。遂由乙言定聘金一百二十元。先交若干。以爲文定。俄而甲卜得吉日。履

備鼓樂彩輿。將往迎娶。先囑乙携齊聘金。偕某丙往交之。及見道士。忽忽數語。乙告以肩輿將至。可卽預備啓行。且言應交之項。今已携來。引至僻靜處。交頭接耳。佯作交銀狀。實則慮丙之觀破也。少頃。乙丙携手出。道士檢齊衣鉢。以俟。閱一時許。笙簫輿從。填咽街衢。抵道士家。各卸肩兀立。道士之媳出而問故。僉曰吃爾喜酒也。道士出。亦遭衆口誚讓。既而丙奔喘而至。謂吾方與乙到此。面交聘金。吾兄將娶爾媳。爲婦。爾尙欲抵賴耶。道士聞之。大怒。扭丙欲與拚命。理論移時。始知彼此皆爲乙所賺。急覓乙。則已蹤影杳然矣。

交涉使與婦女之交涉

浙江交涉使王某。上海人也。微時爲本邑徐姓家教讀。徐有女。被王誘騙。成姦。密訂夫妻之約。連孕不育。王貧甚。嗣王游學出洋。並應試捐職。先後由女以珍珠飾物。及儲蓄銀兩。盡力資助。時爲女父偵知。不與女商。憑媒將女許

字高姓女。雖不願無如何也。及王返里。探悉底蘊。卽倩人向高姓婉商退婚。加給聘禮。令高另娶。高亦知有別情。允爲兩便。嗣後女與王重盟舊好。又生一女。詎王一入宦途。遽爾拋却前情。音信不通。家用不顧。女精通醫理。得以行醫度日。會王返里。女倩人令王將親生之女領回。俾免將來流落貽人。以無父之誚。欲得佳婿。而無從也。蓋女已十五歲矣。詎王反遣司事趙某假請醫爲名。扭解縣署。誣控捲逃。女携女到縣。瀝陳前情。言畢。放聲大哭。女亦俯首飲泣。時田春亭大令攝上海縣篆。聞之。惻然安慰。再四並諭曰。汝於當時。既非明媒正娶。不得謂之拋妻。王當日亦非受契價買。不得謂之逃妾。惟汝母女伶仃太苦。俟勸王念及舊情。量爲貼補。免滋口實。母女皆稱謝而退。噫。如王某者。可謂薄倖之尤矣。

留東女學界之污點

東京留學界有女生二人。一曰吳弱男。一曰吳亞男。皆某主政之女公子也。二生好交游。略解文字。尤長西文。故到東後。在女界中頗負盛名。弱男於前年。與湖南章士釗結不解緣。旋與章君同往英國。其妹亞男。仍在東京。會餘姚、章、大、炎、氏、組、織、一、亞、洲、和、親、會。合印度、朝鮮、清國在東留學生爲一大團體。以爲聯絡感情。時印度黑人到者甚衆。吳亞男亦艷服盛妝。驅馬車而至。爲某印度人所心悅。當卽通問姓名。亞男本善英語。應對如流。印人喜不自勝。日夜奔走於亞男之門。亞男心動。竟與之私。事爲留東女界所知。出而干涉。亞男知事已敗露。不可掩人耳目。遂昌言於衆曰。自由結婚。天賦吾權。汝等母絮絮語也。嗚呼。女學生而甘嫁外人。且係黑兒。是真令人不解矣。

大令父子之聚塵

直隸某縣某大令。某督之介弟也。識天津同慶部妓女名燕如者。鍾情甚摯。

其大公子。裙屐少年。翩翩顧影。至津偶涉花叢。見燕如美。春風一面。卽賜以同心之結。及夕互罄衷曲。真箇銷魂。燕孃曰。妾有一客。與君同姓同籍。面貌尤彷彿。但年齒稍長。兩頰間于思于思耳。君識之否。公子笑曰。固識之。是卽余父。燕大驚。面作土色。公子曰。卿勿爾。此屬常事。原無足怪。但願好月常圓。會富以金屋貯卿也。燕頷之。遂與訂後期而別。大令偵知之大怒。將五千金出燕籍。不令與公子接。巫山雲被石。尤風吹散。楊花無力。只好隨風。公子多情。徒勞夢想。後竟父子不相見云。

老夫女妻之遺孽

浙撫增子固中丞。一日因赴某廟拈香。方出煖閣。突有仁和相國繼配王孫氏攔截憲駕。狂呼冤枉。在經增撫溫詞傳詢。據稱中堂在日。有小箱一具。囑氏收藏。言內係股票契約等件。予老矣。設有不諱。卽以此中物爲汝衣食之資。

免致仰人鼻息。及相國易簀。復立遺囑。所有家資。均勻作六股分派。不料孫兒某某等。几筵未撤。擅將家產密謀私分。攤作五股。置氏於不顧。某日復倩帳房門客等多人。百端恫喝。勒繳小箱。當時氏謂如能上遵遺囑。將家產六股分派。卽將此物交出。伊等不允。突於某月某日之半夜。乘氏睡熟。敢撬開臥室。手持長刀。將氏衣領扭住。喝稱速將小箱交出。否則卽飲汝以白刃。其時性命呼吸間。不容毫髮之際。祇得將箱交。彼自此以後。四面埋伏。將置氏於死地。今日得隙逸出。奔赴憲轅。乞恩援救。並於懷中出白稟一扣。呈閱言已。涕泗滂沱。扈從咸爲酸慄。增撫閱稟後。溫語勸慰。謂此係爾等家事。一經涉訟。轉傷中堂家聲。本部院當飭杭州府會同兩縣。邀集公正紳董。到府理處。斷不至使汝失所云。當時氏飲泣吞聲。叩謝而退。

莽學生

莽學生

廣西凌雲高等學堂學生陸家吉。曾聘蒙氏女爲妻。女名白梅。饒有姿色。親迎有日矣。陸忽聞女與某甲有染。借某宅爲歡會所。屢欲偵之。未得其間。後聞女已經受孕。陸躁甚。要求四甲保正同到蒙宅。諸人皆莫知所爲。適女自外歸。陸執其手交與保正曰。此女不貞。請懲之。蒙族譁然。與陸立約曰。果爾請重辦。陸曰。否則甘反坐。乃拘縣訊究。縣令謂凡女子不貞者。身體當變化。必驗明始可判決。卽令官穩婆同入保正宅驗之。據稱乳腺未肥大。腹部未膨脹。真處子也。因簪花鼓吹歸之。謂陸誣告。當反坐。遂革其學生。拘囚囹圄。致完娶無期焉。是則陸之一時鹵莽。不可謂非自作之孽也。

急色兒

浙省和利市橋下某甲。向作肩販。其妻稍有姿色。素性輕狂。與比鄰某乙結

不解緣。非一日矣。顧以翁姑在室。不能暢所欲爲。某夜四鼓時。乘夫販貨出外。相約至斜面坑厠內。歌巫山雲雨之曲。正在綢繆之際。適有路人經過。聞其內有人聲。疑爲竊賊躲藏。及細視之。則男女兩人交股而坐。遂在橋上大呼捉姦。兩人一驚而散。一時道路喧傳。莫不嗤之以鼻。謂此等人。直無異畜類也。然聞乙自受驚後。至於顛癩成疾。是亦孽由自作。其於人乎何尤。

貴公子

自上海南北市夜花園盛行。蘇州留園亦起而磨續之。癩男怨女。輒於夜深人靜。共駕馬車。洋洋而往。倚闌私語。未免有情。而雪藕調冰。猶其事之表面者也。旋爲警局禁止。而城內相去較遠。尙未週知。某夕有某貴公子與某女學生。於魚更三躍時。携手於園門之外。雙扉靜掩。扣之不開。久之始悵然欲返。曰。今夕風月無可再說。其破工夫。明日早些來。乎。遂相與就宿蘇臺旅館。

鵝鷓比翼。同上陽臺雲雨之樂。其樂如此。是則旅館者。直臺基也。人曰情場。吾曰孽海。

紳家婦

秦州曲塘鎮某紳子。娶婦某氏。性蕩甚。紳子他往。婦與鄰人某有染。婦有小姑。年十九。美而慧。婦恐其洩己之私也。因與某商。思並污之以塞其口。適逢姜堰鎮會期。婦與某定計。誘小姑買舟同往。及抵鎮。婦先行登岸。留之在舟。某忽至。遽狎抱。以求歡。在間不容髮之際。小姑情急。智生。急拔髻上釵。力刺某下體。某痛極而逃。婦歸舟。見其異。知有變。無顏歸家。半路投水死。救之冰矣。某旋亦以下體腐爛死。

淫僧醜劇

蘇郡城南曇花庵有住持僧名一誠者。六根雖淨。五戒未除。與近處某氏婦

有私禪榻。鬢絲往來甚密。蓋此婦潛至庵中。月必數次焉。一夕魚更初轉。婦又赴無遮之會。爲鄰人偵知之。踰垣窺伺。備得姦情。遂排闥直入。將一對野鴛鴦。雙雙繫縛。飽以老拳。有惡作劇者。令將僧與婦易其衣服。於是僧紅錦抹胸。羅裙六幅。婦則袈裟一領。手綰牟尼。天明始送。元和縣懲辦。沿途觀者莫不笑之以鼻。時李紫璫大令握縣篆。升堂訊問後。婦經其親戚領回。僧則予以笞責。枷號示衆。不久怛化。嘻。以清淨之地。爲污穢之場。佛地宣淫。滔滔皆是。彼世之婦女。動以入廟燒香爲名。月必數至者。殆亦婦之故智耳。獨此庵也乎哉。

妒婦笑談

京師某部郎。家有婦某氏。性悍妒。聞其夫欲納妾。屢阻之。部郎心滋不悅。一日謂其婦曰。汝不容我納妾。今我已另築一安樂窩矣。某氏聞而信之。遣人

潛訪知姨太太果住大荔會館。遂率家人以往。及至見門上所懸官銜姓氏。果屬不謬。不覺怒髮衝冠。直入內室。大呼姨太太何在。僕婦答曰。在上房梳頭。氏乃逕入上房。捽髮痛毆。某姨太太問厥由來。則曰。我乃正太太。汝尙不知也。耶姨太太因以善言勸慰。請俟主人來。再行計議。俄而某部郎歸。詢悉情由。入與某氏相見。則兩人皆未一謀面者。叩其夫姓氏。知爲宗年嫂。意亦不欲深究。惟姨太太以橫被毆辱。徐諷之曰。既係我家之正太太。今夕枕席之歡。自當奉讓。妾亦甘作小星也。某氏羞愧欲死。踉蹌遁去。蓋兩部郎係同姓同年。同司所事者也。都人士聞之。遂哄傳爲笑柄云。

遊舫揮拳

某少尉聽鼓金陵。官囊頗裕。慕秦淮燈舫之盛。招邀賓客。泛乎中流。某公子亦在座。吳姬越妓。侑酒徵歌。頗相得也。及酒酣耳熱。諸客各携意中人舍舟。

登岸。惟少尉與公子。尙在木蘭舟上。忽對面。鷓首飛來。粥粥羣雌。令人心醉。中有麗人。年近二十許。著藕色衫。臨風。睂目含情。少尉不知誰家眷屬。評頭品足。信口詼諧。未幾拍掌曰。倘與若箇女郎。銷魂真箇僕將終。老是癩不攀。凡葩於塵世矣。一語未終。公子卽以巨靈掌。擊其頰。少尉不解其故。亦以老拳回敬。公子愈怒。遂將少尉推倒。按胸。捶臂。摧折一番。招招者不敢勸解。飛告諸客。始得解紛。細詢巔末。乃知向所見者。非他卽公子之瀛眷。著藕色衫者。其小星也。疑少尉有心輕薄。故惱羞變怒也。書之以爲輕狂者戒。

香車攝魄

京都某生。少負俊才。丰神秀朗。工吟詠。尤擅詞曲。人皆以小衛玠目之。中秋節。人月雙圓之夜。翔步街衢。遙見一健奴。跨駿驢。導鈿車。前行。車上四面。皆玻璃。月光射入。照見中坐一女郎。年可十五六。花容玉貌。不啻神仙。中人生

驟如神奪車行絕駛竭力奔隨顏汗珠下女亦頻回顧行至鬧市瞥然而逝生瞠目直視癡若木雞後經其戚某喚車送歸僵臥不起亦不言惟日飲粥一匙如是數日羣醫莫識其何病初生方注目急追不覺魂已離殼逕入輿中與女並坐須臾抵女家隨女入閨綢繆數日一夕忽遇朱衣人命僕送歸遂遽然而蘇家人羣集研問生具道巔末乃倩冰上人往爲說合卒不果生旋以是病而死殆佛家所謂孽緣者歟。

小妬奸

蘇城某氏女年纔十七丰致頗佳傭於城中某姓家先與乙童私識曾得洋蚨數十枚旋又通於甲童誓海盟山往來甚密未及匝月爲乙所知欲得甲而甘心一日女偶偕甲游玩至總捕署前與乙相遇彼此互扭兇毆不已女竭力解勸左右爲難詎乙醋氣直衝突出并州快剪向甲腿上直刺甲痛極

呼救。爲署中惠詩樵司馬所聞。飭差拘案。先提女問悉前情。然後提二童詰之。甲供姓張。年十六歲。近與女相識。遇乙行兇。務求伸冤。乙供姓王。年十一歲。數月前與此女繾綣情深。今忽被張獨佔。豐福故欲與伊拚此小命。司馬得供大怒。以甲乙兩童小小年紀。竟敢恣意狹邪。踢翻醋罐。判令各予笞責。輕重有差。女掌頰二百下。交官媒候保。噫。此二童者。乳臭未乾。竟至輕薄若此。佻兮達兮。在城闕兮。能無慨世風之日下哉。

冒敦倫

荊州沙市劉家塲有王姓子者。好作狹邪游。其母屢戒不悛。急爲納婦。以爲既得家雞。當不復逐野鶩矣。詎狼子野心。依然未改。合盃未滿三朝。仍思洞入迷香。銷魂真箇事。爲其友劉某所知。向王借衣一襲。卽於是夜人靜後。以扇掩面。潛入洞房。伴娘不及細察。起身迎迓。遞奉茶煙。劉故不出聲。搖手止。

之揮之使出。遂閉門滅燭。偎香倚玉。好夢同圓。次晨伴娘窺出破綻。大呼有賊。王母聞聲。趁視赫然震怒。上前直批其頰。正呼衆細縛。王亦自外歸。遂將劉送請江陵縣究辦。新娘羞憤交集。屢尋短見。勸解不聽。卒以自經。死嘗讀携椅倚桐。同玩月。點燈登閣。各攻書之句。竊歎才子佳人。以一時遊戲。致啓強徒污辱之端。釀成千古冤案。恨不得執其人而唾罵之。乃千載而下。又有劉某之刁姦淫險。污人清白。其罪真不容於死矣。然如王迷戀煙花。狎暱匪類。以致禍及閨闈。嗚呼。亦可以鑒也。

將計就計

河南正陽縣某甲。游手好閒。鰥居無偶。日以沾花惹草爲事。比鄰某氏婦。文君新寡。頗擅丰姿。甲見而悅之。多方勾引。氏不爲動。甲再四思維。心生一計。潛取素紙一幅。製作高冠。曝於庭際。事機不密。爲婦所見。知甲弄此狡獪。必

是爲已而設一笑置之潛卽預爲之備至晚甲戴冠博帶塗面持繖扮作無常鬼昂然而入直抵婦室維時銀缸無燄羅帳低垂意彼姝香夢方酣今夕當償素願矣詎揭幃視之見一紅衣婦披髮伸舌耳目口鼻狼籍血污雙目炯炯如欲攫人甲觀此不覺大驚立時暈倒蓋婦扮作縊鬼以待甲所謂以子之矛刺子之盾也婦見甲已倒地攬衣急起呼集鄰人詳告其事衆皆皆裂執甲欲毆審視之則已氣絕翌日婦詣縣伸訴縣官驗屍後嘉婦智節爲之詳請旌表焉

殺妻求妻

林某甬東人也饒於財而好漁色娶妻葛氏丰致頗佳初時伉儷甚諧旋赴戚家偶見鄰女范氏美於妻百計求通得與女之兄若母相稔時女兄困於家食逆知林意商令女僞與欸洽謀取其貲以濟貧女從之林顧而色喜乘

間狎之。則曰：此禽獸之行，非人所爲。如與君有夙緣，當爲鸞膠之續。林領之。回家，逼其妻自盡。妻無奈，遂投繯焉。時范氏得林投贈，已將一餘金及林遺冰上人至。其母却之。林大驚，乃央其戚與女面達。女曰：彼忍於殺，結髮人真豺狼也。豈可與居哉！堅拒不允。自是不復相見。林旋以氣憤死。

薄命

某甲，無賴也。游手好閒，遂以演唱淫詞小說爲事。某日在鄂垣長街某巷內，誘惑人心。有女郎七八人，招之以手，給以錢，使唱祝英台梁山伯故事。甲獨據高几，檀板輕敲，清音徐度。時正涼風拂袂，螢火沾衣，圍坐聽者皆興高采烈。有某女郎忽失聲大哭，掩袖入內，良久未出。其女伴急入臥室覘之。女郎方以裙帶繫於牀楣，以頸相就。女伴大呼，相將抱下，詢其故，不答。惟長歎而已。女伴中有知其事者，言其十三歲時與某公子同學，年貌相若，情投意合。

曾私定終身。以死相誓。公子屢託人商諸父母。其父母以門第故不從。公子遂抑鬱成病而卒。殯後女屢欲縞衣素裳親往祭奠。亦格於親命不得。遂其志。自後每有感觸輒尋短見。聞者傷之。然而此女雖深於情亦太痴矣。

孽海叢話 三編

九十

孽海叢話三編終

孽海叢話三編終

三編 三年二月出版

孽海叢話
(三編價洋三角)

著作者 儵 楚

發行者 小說進步社

印刷者 小說進步社

發行所 上海棋盤街平和里
小說進步社

寄售處 上海各大書局

分售處 各省大書局

